



Vniuersa Theologia Scholastica, Speculatiua, Practica

Ad methodum S. Thomæ, quatuor Tomis comprehensa

Tanner, Adam

Ingolstadii, 1626

VIII. De præsidio, ministerio, & custodia honoru[m] Angeloru[m], erga
homines, aliasq[ue] res creatas.

[urn:nbn:de:hbz:466:1-72856](https://nbn-resolving.de/urn:nbn:de:hbz:466:1-72856)

ex quo concupiscentia & naturæ corruptio, adeoque cætera peccata consecuta sunt, de quo nulla est controversia: directe vero & immediate non est omniū peccatorū seu tentationum causa; sed quædam ex libertate arbitrij nostri propriae; carnis corruptione nascuntur; iuxta illud Iacob. 1. v. 14. *vñs quisque tentatur à concupiscentia sua abfraſtuſ & illeſtuſ.*

Idem docent Origenes lib. 3. Periarchon capit. 2. Basilius in reg. breu. num. 75. Chrysostomus homil. 54. in Acta & in opere imperf. homil. 49. Gregorius Nanzianzenus carm. seu metro 52. Gennadius libro de Eccles. dogm. capit. 81. & Gregorius lib. 11. Moral. capit. 25. et si contrarium significant Leo serm. 4. de Collect. Auctor serm. 68. ad Fratres in Eremo, apud Augustin. Hieronym. in Eph. 6 Cassianus Collat. 7. Damascenus lib. 2. capit. 4. quibus fauer Suarez hic lib. 8. capit. 19. a num. 20. cum nonnullis recentioribus.

Ratio patet ex dictis. Quia cum concupiscentia partim sua natura sæpe fortuitis quibusq; casibus ab extrinseco excitetur, non est verisimile, à dæmonib⁹ omnes eiusmodi tentationes imitti; vt cunq; alias in suo labore & perdendi studio sint indefessi, de qua re pluribus differit Cassianus collat 7. c. 7. 15. 20. & collat. 8. c. 12.

²⁰ Decimo queritur, quid sentiendum sit de varijs dæmonum partitionibus, quas nonnulli graues authores à varijs nocendi studijs, aut habitatio- num diuersitate desumptas tradunt. Respondeo. De hac re agit Trithemius l. 8. qq. q. 6. vbi Orpheum, Pſellum, & ipsius Apollinis Pseudooraculum, apud Eusebium lib. 4. demonstrat. Euangeli- fæcetus, sex dæmonum genera recenset, nimirum igneum, aereum, terrestre, aquatum, subterra- nū, & lucifugum; eorumque etiam studia & affec- tuſ pliſe describit. Sed hac examine indigent; & vniuersim nec pbanda sunt, nec improbanda videntur, vt notauit etiam Delrius lib. 2. qu. 27. sect. 2. Certe S. Ignatius Martyr epistol. ad Ephes. ab ipso etiam Trithemio relatus, duo tantū eorū genera, omisso igneo, assignat, cum ait: *Nihil melius est, quam pacē habere, in qua omne telum e- vacuatur, aereorū ſimil, & terrefrū ſpirituū.* Sub quibus utique coſtiam, qui in aquis, & speluncis quandoque hominibus inferti sunt comprehen- dit.

Nec vero simile est in regione ignis aliquos dæ- mones ordinarie habitare, quando ab Apostolo Epheſ. 6. Rectores tenebrarum, & à Iuda caligini, seu caliginoso aéri adscripti dicuntur: nec est quic- quā, quod in regione ignis aduersus homines ma- chinentur. Quod si dæmonū genus igneum dicatur, ab igne infernali, iam omnes dici poterunt ignei; non solum quia ab igne omnes patiuntur, sed etiam quia alternatim, & ad tempus omnes aliquandiu inferis addicuntur; vt superius dub. præced. dictum. Ob quam causam etiam non est verosimile, eosdem numero spiritus perpetuo aut in aquis, aut in speluncis degere, sed pro occurrentium circumstantiarum varietate, varijs in locis, ad seducendos homines, incum- bere.

Tom. I.

Plenius ex scriptura varia dæmonum studia- & affec- tuſ describit Cassianus collat. 7. capit. 32. vbi tamē & illud, tum Trithemio commun- pia interpretatione indiget, cum ait, quosdam dæmonum solummodo loculatores esse; ut non tormentis hominum, sed derisione delectentur; & illuſione contenti, fatigare potius studeant, quam noce- re. Quorum similia etiam habet S. Antonius apud Athanasium in vita eiusdem: nimurum, quia plus illis diuinitus non permittitur, vt recte ab Henrico Guicchio in citatum locum Cassiani annotatum. Vide quæ in simili diximus supra quæſt. I. dub. I. de imperitia & inertia dæmonum. Plura de dæmonum tentationibus & studijs ex Pa- tribus & historijs Cocciustom, I. 4. a. 5. & 6.

D U B I U M VIII.

De Praſidio, ministerio, ac cuſto- dia bonorum Angelorum, erga homines, aliasque reſcreatas.

8. Thom. I. p. q. 112. & 113.

Contra malum bonum est, & contra mortē vita. Sc. Et sic intuere in omni opera Altissimi; duo & duo; & unum contra unum, inquit Ecclesiasticus c. 33. v. 15. Quando igitur de infestationibus dæmoniū actum est dub. præced. sequitur, vt etiam de ptectione & custodia bonorum Angelorum agam, totamq; adeo materiam de Angelis hoc argumen- to feliciter concludamus; de quo S. Thomas ex instituto agit cit. q. 112. & 113. Nos vero vt in præcedenti dubio factum, aliquot quæſiunculus rem paucis complectemur.

Vbi tamen primo illud veluti ex fide certum principium vniuersim supponimus, bonos Ange- los esse ministros Dei, in procuranda & promouēda hominum salute, ac proinde in hæc studia varijs modis, iuxta benignissimam diuinæ prouiden- tiae dispositionem, incumbere; ac sæpe tum visibiliter (vti dictum quæſt. 5. dub. 5.) tum inuisibiliter ad homines, seu in has terras mitti; vti patet tum ex plurimis alijs Scripturæ testi- monijs, paulo post inferius referendis, & ex parte relatis supra cit. dub. 5. tum generatim ex illo Apostoli Heb. I. v. 14. *Nonne omnes sunt ad- ministratorij ſpiritus in ministerium mihi, propter eos, qui hæreditatem capiunt ſalutis?*

Supponimus secundo, id quod non minus certum, & extra controversiam est, absolute lo- quendo, à Deo mitti posse ad hanc procurationē omnes Angelos, imo vero re ipsa quoq; aliquando à Deo destinari omnes, si non missione externa, qua sit per motū localē, certe tamē internā, (li- cet hæc sit minus proprie dicta missio, vt bene Suarez lib. 6. cap. 9. num. 17.) qua sit per illu- minationem, qua superior Angelus, in gratiam & commodum hominum, Angelos inferiores illuminet: vt vel ob hanc etiam causam ab Apo- stolo omnes Angeli dicantur administratorij ſpiritus cit. Heb. I. prout etiam docet S. Thomas q. 112. a. 2. ad. 1. His positis,

Quæritur primo, an ex omni hierarchy, & or-

4

T t t 3

dine,

dine, aliqui nonnunquam Angeli etiam externa missione à Deo immediate ad homines mittantur. De hac re sunt duæ Doctorum sententiae. Prima docet, omnes Angelos ab infimo vsq; ad supremū, aliquando ministrare ac mitti; esto ex supra hierarchia non nisi raro & quasi extraordinarie mittantur; Ita sentiunt Aelensis 2. part. q. 36. mem. 3. Scotus in 2. dist. 10. q. 1. Durandus q. 1. Argentina a. 1. Gabriel art. 2. Marcellius in 2. q. 7. art. 3. Molina 1. p. q. 112. disp. vn. & Gregorius de Valentia disp. 8. q. 6. pun. 2. Et indicat Athanasius serm. 3. cont. Arian. vbi ait: *Ad ministerium autem non unus, sed ex omnib⁹ plures ad manus præsto sunt, quos Dominus, si velit, amandet. Multi enim Archangeli, multi Throni, multa Potestatei, & Dominationes, milles millia, & decies millia centena millia ministrorum aſſtunt, & apparet, qui se promptos offerunt, ut emittantur.*

Et fundatur hæc sententia in cit. Heb. 1. Omnes sunt administratori spiritus, in ministerium misi. Accedunt peculiaria scriptura exempla. Sic enim Tob. 12. vers. 15. Raphael missus ad Tobiam, erat unus, ex septem, qui aſtant ante Dominum. Iſai. 6. vers. 6. dicitur, *Volauit ad me unus de Seraphin, & tetigit os meum.* Daniel 10. vers. 13. Ecce Michael unus de Principibus primis, venit in auditorium meum. Luc. 1. v. 26. Missus est Angelus Gabriel ad Mariam Virginem, quem vnum fuile èsupremis, Theologi complures sentiunt, cū Magistro in 2. dist. 10. post S. Bernardum homil. in Missus est, eti negent alij. Omitto Cherubinos ad custodiā paradisi positos Genef. 3. & alias quatuor, quos vidit Ezechiel cap. 10. in diuino ministerio occupatos.

6 Et esto, ob speciale rationem subiectæ materiæ, probabilis sit illa interpretatio S. Dionysij cap. 13. cœlest. hierarch. & S. Thomæ cit. q. 112. art. 2. ad 2. qua adductum ex Iſaiâ locum explicat, vel de aliquo inferiori Angelo, qui ab officio erga Prophetam exercito, dictus fuerit Seraphim; vel de ipso quidem Seraphino, sed per inferiorem Angelum, suum velut ministrū, operante; quod similiiter etiā de apparitione Seraphim S. Franciscico facta dici potest: minime tamē probatur, quod in Reuelationibus B. Amadei Raptu 4. legitur, *Raphael non in persona, sed in nuntio suo; id est, Angelo in infimo choro, comitatum esse Tobiam:* quod etiam ibidem assertur, de Michaele apparente in monte Gargano. Id enim nec sensui fidelium, nec scripturæ satis consonum videretur; quæ proprie interpretanda, vbi nullum sequitur absurdum. Nec ullus, quod sciam; ita historiâ Tobie haec tenus intellexit: sed potius communis Ecclesiæ sensus videtur habere, ipsuſmet Raphaellem, quisquis tandem eo nomine Angelus significetur, per se apparuisse, & vere fuile vnum de septem Angelis coram Deo aſſistentibus, non ad contemplandum solummodo ipsum, sed ad ministrandum, quasi extra ordinem, vt dictum superius q. 1. dub. 6.

7 Secunda sententia est, Angelos aſſistentes & ministrantes proprie acceptos, qui scilicet re ipsa & missione extera ad homines mittuntur, ita distingui, vt illi e cœlis nunquam, sed solum isti ad ministrandum mittantur & abeant. Ita docent

S. Thomas cit. q. 112. a. 2. & 3. Caſtahus ibidem, item Albertus in 2. d. 10. artic. 3. Bonaventura att. 1. q. 2. Richardus art. 11. q. 2. Egidius q. 1. & 2. & Capreolus q. 1. Inter quos etiā S. Thomas, Egidius, Capreolus, Caitanus, & alij Thomista sentiunt, tres tantū esse ordines aſſistentiū, nempe Seraphim, Cherubim, & Thronos, alios vero sex ordines Angelorū ministrantes esse; etiā Richardus significet, etiam Dominationes mitti.

Fundamentum præcipuum huius sententia sumitur ex S. Dionysio cœl. hierarch. cap. 7. 8. 9. & 13. qui ita plane sentire videtur, quem sequitur Gregorius homil. 34. in Euang. vbi refert Dionysium sensisse superiora agmina ab intimis, (coelorum vel Dei) nunquam recedere. Addit rationem S. Thomas cit. artic. 2. Quia à constituto naturæ ordine, dispensatione diuina aliquando receditur quidē, sed solum propter superiorem ordinē gratiæ; at vero ordo gratiæ, quo nō iurit illa Angelorum, secundum varios gradus & ordines, distinctio, nō habet aliquę superiorē ordinē, propter quē ab eo recedatur. Accedit quod ordo naturæ plerumq; solum imputatur ob attestacionē & confirmationem fidei, qua de causa etiam conspicue in sensu incurrit; at vero imputatio illa ordinis inter Angelos constituti, cum sit inuisibilis, & nobis ignota, non potest ad hunc finem deseruire. Ex his duabus sententijs Vasquez disp. 244. cap. 2. neutram certam, aut aliquo probabilitatis momento altera superiore censem.

Equidem sentio cum auctoribus secundæ sententiae, non esse negandam distinctionem, inter Angelos ministrantes, & aſſistentes, qui nempe ex officio ad laudandum solum & contemplandum Deum, eiusque illuminationem recipiendam, quasi contemplatiū solum vitam agentes, Deo semper aſſistant; ea enim distinctio auctoritate S. Dionysij, Gregorij, & S. Thomæ satis probatur; quicquid nonnulli recentiores apud Suarez cit. lib. 6. cap. 10. num. 44. eam distinctionem plane ē medio tollere videantur.

Nihilominus existimo, cum auctoribus primæ sententiae, nihil obstare, quo minus præter consuetum ordinem, & ordinariam legem Dei, non nunquam aliqui etiam ex supra hierarchia, immo primo ordine eiusdem hierarchie mittantur. Ita docet etiā Suarez cit. cap. 10. à num. 45. Moneor non tam adductis scripture testimonijs & exemplis, sigillatim spectatis, quæ si aliquid probaret, fere etiam nimium probare viderentur, nimurum non solum raro, sed etiā frequenter, & quasi ordinarii mitti quoq; suprema hierarchie Angelos, vt bene etiam notauit Suarez cit. cap. 10. num. 44. Sed primo, quia valde probabile est, saltem indeterminate vnum vel alterum exemplum esse ad rem accommodatum; idque de Gabriele nuntio B. Virginis mihi maxime est credibile, etiā nec illud sit certum. Secundo quia dum in Nativitate Christi dicitur Luc. 2. *factum esse cum Angelo multitudinem celestis exercitus,* valde probabile est, eam multitudinem aut omnes Angelos fuile complexam, aut ex omnibus Angelorū choris conflatam, iuxta illud Heb. 1. v. 6. *Et cum iterum*

intro-

introducunt primogenitum in orbem terræ, dicit, & adorant eum omnes Angeli eius. Quod etiā docet Chrysostomus in psal. 8. vbi ait: supernorum chororum Cherubim & Seraphim hoc est munus, Deum assidue laudare, & hymnis celebrare. Ex his Choris etiam in terra apparuérunt, cum vigilantibus pastoribus cantantes. Tertio idem multo certius est futurum in extremo iudicio, iuxta illud Matth. 25. v. 31. Cum venierit filius hominis, in Majestate sua, & omnes Angeli eius cum eo. In huiusmodi ergo occasionibus, inquit Suarez cap. 10. num. 47. mihi pro indubitate est, assistentes Angelos descendere, ac proinde mitti; quia non veniunt nisi ex imperio & voluntate Dei.

Nec obstat ratio S. Thomæ; Tum quia ordo vniōnis hypostaticæ, superior est ordine gratiæ sanctificantis habitualis, qua ntitur illa distributio Angelorum: quid nūigitur saltem propter Verbum Incarnatum aliquando ea mutari possit? Tum quia etiam in ipso ordine gratiæ, ad ostendendum peculiarem fauorem erga electos, Deus aliquando consuetum ordinem immutat, vt inferius etiam de Angelis Custodibus dicetur, & patet in sanctificatione B. Virginis, & aliorum, facta in utero. &c.

Secundo queritur, An singulis hominibus suus sit Angelus Custos designatus. In qua re certiū est, ex illis Angelis, qui ad nos mittuntur, quosdā præsidij & custodia causa mitti, vt constat ex scriptura. Etenim Genes. 19. v. 15. Angelus eduxerunt Lot, & posuerunt extra ciuitatem, dicentes, salua anima tuam. Genes. 48. v. 16. Iacob ait, Angelus, qui eripuit me de cunctis malis. Idem habetur Tob. 12. v. 15. Act. 12. v. 15. & in Psal. 90. v. 12. dicitur, Angelus suis mandauit de te, vt custodianus te in omnibus vijs tuis. Quod optima ratione & conuenientissima diuinæ prouidentiæ dispositione accidit; quia per se alioqui cogitationes mortalium sunt timidae, & incerte prouidentia nostra. Sap. 9. v. 14.

An vero singulis hominibus propriis ac peculiariis Custos Angelus à Deo sit attributus, olim quidem fuit dubitatum; afferentibus quibusdam, solum prædestinatis, in natuitate ipsorum; alijs solummodo sanctis, à die baptismatis, attribui Angelos custodes, vt refert Origenes tract. 5. in Math. & fere S. Thomas q. 113. a. 5. Magister quoque in 2. dist. 1. videtur dubitare, vtrum singulis hominibus singuli Angeli deputentur; an vero unus Angelus multorum simul hominum curam habeat; et si Suarez hic l. 6. cap. 17. n. 10. eum in meliorem partem interpretetur. Taceo Caluinum lib. 5. Instit. cap. 14. sect. 7. & in Psal. 90. sect. 7. vbi ait, tantū esse vulgi opinionē, singulis hominib⁹ singulos Angelos esse custodes.

Nihilominus vera & certa est etiam hac in re. Doctorum sententia, quam tradunt Scholastici omnes cit. dist. 7. & S. Thomas quæst. 113. art. 2 & 5. statim ab ipso momento natuitatis, singulis hominibus singulos & proprios Angelos custodes diuinitus destinatos adesse; qua proinde etiam sine magna temeritate negari non potest; recte Gregorius de Valentia d. 8. quæst. 6. pun. 3. Vasquez disp. 245. cap. 1. & Suarez lib. 6. cap. 17. num. 8. et si Molina q. 113. disp. vn. dicat, id non

esse de fide: sicut etiam Suarez ibidem num. 10. solum dicit, esse verisimilis vnum Angelum nunquam custodiare simul nisi vnum hominem.

Probatur primo satis aperte ex scriptura. Matt. 18. v. 10. dicitur, Angelis eorum semper vident faciem Patri. Et Act. 12. v. 15. fideles de S. Petro ex carcere educto Angelus, inquit, eis est. Vnde constat, tam ex Christi doctrina, quam ex Ecclesiæ primitiæ sensu, vnumquemque hominem suum proprium habere custodem.

Secundo idem docent SS. Patres communisensu. Optime Basilis lib. 3. cont. Eunom. Quod adit, inquit, singulis credentibus Angelus tanquam padagogus, & pastor vitam dirigens, nemo contradicet; qui memor fuerit verborum Domini, ubi dicit, Ne contemnatis vnum de pusillis istis; Nam Angelus eorum semper vident faciem Patri mei, qui in cœlis est. Et: Adredit Angelus Domini in circuitu itinerarium eum. Psal. 3. 3. Et: Angelus, qui liberavit me à inventore meo. Gen. 48. & quecumque huiusmodi sunt.

Gregorius Nyssenus lib. de vita Moysis: Occultior, inquit, traditio est, verba sermo ad nos usque descendit, quo creditur, posteaquam in peccatum natura nostra lapsa est, non omnino à clementia diuina neglectam, nec absque suo patrocinio dimissam, sed Angelorum, qui natura incorporei sunt aliquem in adminiculum cuique constitutum esse. Theodoretus in cap. 10. Daniel. Ex his inquit, docemur, singulis Angelis vniuersiisque nostrorum creditam esse curam, vt custodiani, tueantur, & a prædemoniis nos liberent insidias.

Et Hieronymus in cap. 18. Matth. Magna est dignitas animalium, vt unquam habeat ab ortu Natuitatis in custodiis sui Angelum delegatum. Idem aliterunt præter alios Chrysostomus homil. 60 in Matth. Athanasius lib. de communione. Eusebius lib. 3. de Præparat. Euang. c. 7. Clemens Alexandrinus lib. 6. Stromat. & ante omnes Origenes homil. 23. in Lucam.

E quibus plerique vniuersim de hominibus loquuntur: aliqui vero etiā de fidelibus & baptizatis tantum loquantur, non tamen excludunt ceteros; sed indicant, in his non tam esse locum Angelo custodi, quam liberatori seu monitori. Ratio est. Quia cum homines etiam in individuo singuli sint quoad animam incorruptibles, & quod fuit vt eis, non minus, quam ceterarum rerum generibus atque speciebus, vt dicetur, singuli Angelii custodes adhiberentur.

Tertio queritur, quanam ratione in particulari fiat execucio huius custodiæ. De hac re breuiter notanda sunt sequentia. I. Custodiā incipere à natuitate; adeoque infantes non habent proprios Angelos custodes, nisi posteaquam in hanc lucem editi sunt; antea enim vnum quodammodo cum matribus estimantur, ac proinde non proprios. sed communes cum matribus custodes habent, vt docet S. Thomas cit. q. 113. a. 5. ad 2. etiā contrarium post Terrullianum lib. de anim. cap. 37. & Anselmum in Elucidario, sentiat Suarez hic l. 6. c. 17. n. 18. quod parum existimo probabile.

II. Munus Angelorum custodum in morte finiri, saltem vt nec in inferno, nec in cœlis locus custodia sit amplius, vt ex communi post S. Thomam quæst. 113. a. 4. docent ceteri; nec dissentit

Suarez cit. cap. 17. n. 11 et si contrarium significare videatur Iustinus lib. vlt. q. 30. Nihilominus verisimile est, Angelum custodem animas in gratia decedentes, & non plene purgatas, non descrere, donec ad beatitudinem perueniant, vt docet Suarez cit. cap. 17. n. 11. Certe quidem eas ab unoquoque Angelo custode saltem ad purgatoriū perduci; sicut & vndiqueaque sanctas & purgatas ad cœlum, satis colligitur ex historia Lazarī mendicī Luc. 16. & ex Patribus docet Suarez c. 19. n. 9. Imò etiam unumquemque Angelorum eas secum ad iudicium extremum ducturum, quibus praeſuit, valde probabilitate afferit Origenes hom. 11. in Numer.

18 III. Christum Dominum non habuisse custodē Angelum, sed unum vel plures Angelos Ministros, vt docet S. Thomas q. 113. art. 4. ad 1. iuxta illud Matth 4.v. 11. *Et ecce Angeli accesserunt, & ministabant ei.* Et Ioann. 1.v. 5. *Videbitis cœlum aperitum, & Angelos Dei ascendentes & descendentes supra filium hominis.* Ratio est. Quia cum ipse esset penit⁹ impecabilis, & plenus scientia, & veritate, ipsiusque Angelis potentior, non indigebat Angelorum custodia. Secus est de B. Virgine, vti & de primo homine, etiam in statu innocentiae posito, alijsque tam veteris, quam noui testamenti hominibus viatoribus, ipsoque etiam Antichristo ex communī.

19 IV. Angelum custodē nunquam omnino dimittere clientē suū, quamdiu hæc vita durat, etiā si peccet, & peccata multiplicet: licet actuæ custodiū exercitium interdum remittat, propter eius incapacitatem & indispositionem, vt docet Sanctus Thomas q. 113. a. 6. & in 2. d. 11. q. 1. a. 4. ex communi Doctorum ibidem, eodemque modo intelligendi sunt Patres, quando dicunt, homines peccando à se Angelos profigare, vt videre est apud Origenem homil. 2. in Ierem. Basiliū in Psal. 33. Hieronymum & glossam in id Isai. 5. *Anferam semper eius,* Ambroſium in Psalm. 37. & Bernardum serm. 1. de S. Michaelē, & serm. 7. in Cant.

20 V. Neque tamen Angelos custodes, hominibus (eademque est ratio aliarum rerum inferiorum, quibus præſunt, vt dicetur) ita inseparabiliter affistere, vt nunquam plane ad cœlos, aut aliorum digrediantur; nam etiam absentes loco non defūnt, quoad effectū custodie; quia etiam dum sunt in cœlo, cognoscunt quid circa hominem agatur. Nec indigent (multa) morā temporis ad motum localēm, sed semper possunt adesse. vt bene docuit Sanctus Thomas cit. quæst. 113. a. 6. ad 3.

21 VI. An vero singulis hominibus etiam successiū evuentibus diuersi semper adstant custodes Angelī, incertum esse, affirmant nonnulli post Iustinum lib. vlt. q. 30. Negat Magister in 2. dīl. 11. cuius sententiam magis probat Suarez cit. cap. 17. n. 11. Mihi supposita multitudine sufficienti Angelorum, de qua actum est qu. 1. dub. 1. affirmativa magis probatur. Quia consentaneum est rationi, vt in eo munere obeundo, Angelī, qui alioquin sunt eiusdem conditionis, vicissim, sive potius successiū mutentur.

22 VII. Quamuis ordinariè Angelī custodes sint, ex infimo ordine infimæ hierarchiæ, vt tradit ex communi S. Thomas q. 113. a. 3. & apud antiquos

scriptores in confessō afferit Vasquez loc. cit. tamē nil videtur obſtare, quo minus extraordina-riè quandoque sint ex superiori ordine, si non ex superiori etiam hierarchiā, vt docet Gregorius de Valencia loc. cit. & fere Suarez cap. 18. nu. 10. & ſentient plures recentiores, quos sine cauſa reprehendit Vasquez cit. cap. 1. Idem perſuadent probata quorundam sanctorum hiforia, vt de S. Franciſca Romana habetur in eius hiforia & in Panegyri Valaderij, & de S. P. Ignatio, in vita eiusdem apud Ribadeneiram. Hoc certum, communi quadam ratione, aut extra ordinem, etiam ceteros Angelos ſalutem hominis procurare. Vnde Origenes homil. 4. in Psal. 36. *Nunquam foliū eſt iustus, ſed ne unius quidem, aut duorum, vel trium tantummodo Angelorum ſocietate ſubmixta eſt, ſed exercitus ei virtutum praefo eſt.* Quod conſirmatur etiam ex hiforia Elifei 4. Reg. 6. v. 16.

23 VIII. Angelos custodes duodecim fere modis ſuorum Clientum ſalutem tum corporis, tū pra-cipue animæ, iuxta beneplacitum tamen diuinæ voluntatis procurare, vt ex Gabriele in 2. dīl. q. vn. recte notauit Gregorius de Valencia cit. d. 8. q. 6. pun. 3. Primo enim peccata clientum reprehendunt, iuxta illud Iud. 2. v. 1. *Ascendit Angelus Domini de Galgalis, ad locum flentium, & ait, Eduxi vos de Egypto, &c. & noluiſt audire vocem meam. Cur hoc feci?* II. Proinde ſuadēdo, & conſcientiæ morsibus pī-legendō à catenis peccatorum liberant, iuxta figurā Petri Act. 12. v. 7. III. Illecebras occaſionēſq; pec- candi remouent. IV. Dæmones arcent, eorumque conatus cohibent. Ita Tob. 12. v. 3. *Dæmon ab uxore meā compescuit.* V. Docent & illuminant Daniel. 9. v. 22. *Nunc egressus sum, ut docerem te, & intelligerē.* Quomodo autem Angelī poſſint homines docere & illuminare, conſtat ex dictis ſuprā q. 4. dub. 3. & 4. VI. Secreta Dei conſilia quandoque reuelant. Genes. 18. v. 17. *Num celare potero Abraham, quæ geſu-ruſ ſum.* VII. Consolantur afflictos. Tob. 5. v. 13. *Ferti animo eſto, in proximo eſt, ut à Deo curerū.* VIII. Conſir-mat & addunt animum ad progrediendum in via Dei. 3. Reg. 19. v. 7. *Surge & comedie; grandis enim tibi reſtat via.* IX. Pericula corporis depellunt, & in via feliciter deducunt. Tob. 5. v. 15. & c. 16. v. 4. X. Depellunt & profligant hostes etiam viſibiles. Isai. 37. v. 36. *Egressus eſt autem Angelus Domini, & percutiſt in eaſtri Aſſiriorum centum eſcoginta quinque milia.* XI. Vim tentationis infringunt, iuxta figuram Genes. 32. v. 25. XII. Offerunt preces ſuorū, & pro his peculiarier intercedunt. Tob. 12. v. 12. & Apocal. 8. v. 4. Quibus adde XIII. Quod ipſos etiam ſuos clientes nonnunquam caſtigant & pu-niunt, ſaltem poena medicinali, vt tradit Augustinus lib. 9. de ciuit. cap. 5. & fuiſus perſequitur. Suarez cit. lib. 6. cap. 19. n. 5. Plura de hac re vi-deri poſſunt apud Gerlonem trac. 8. ſuper Magnificat, part. 3. & apud Franciscum Albertinum in proprio opuſculo de hac re.

24 Postremo circa hoc ministerium Angelorum, notandum, Angelos, etiamsi vel maxime cupiant clientum ſuorum bonum promouere, non tamē proprie tristari, vel angri, etiamsi præter ipsorum vota ſecus accidat, cum habeant voluntatem diuinæ per omnia conſonam; vt docet S. Thomas cit. a.

cit. q. 113. a. 7. quicquid in contrarium suo errori male innixus dixerit Origenes, de quo actum supra dub. 2. Alij vero Patres, aliter quandoque locuti, p̄ explicandi sunt, in sensu metaphoricō, prout etiam de Deo ipso quandoq; loquitur scriptura. Certum est enim in beatitudine nullum locum esse tristitia, vt fusi docui tomo 2. disp. 1. q. 3. dub. 2.

²⁵ Quarto queritur, an etiam rebus alijs, ac p̄ticipue Regnis & Prouincij seu communitatibus singulis atque etiam substantijs inanimis, aut rationis expertibus Custodes aut Pr̄sides Angeli sint deputati. Respondeo primo. Valde probabile esse, singulis saltem speciebus perfectis substancialium corruptibilium, singulos Angelos pr̄sides ac veluti custodes esse designatis. Ita docent S. Thomas hic 113. a. 2. aliquj Theologi communiter, quicquid neget Caietanus ibidem, & colligitur ex scriptura Apocal 14. v. 18. vbi dicitur. *Et alijs Angelos exiunt de altari, qui habebat potestatem super ignem.* Quo loco idem tradunt Arethas, & Andreas Cæsariensis. Eodem spectat illud Apoc. 16. v. 5. *Et audiuit Angelum aquarum dicentem, etc.* Idem docent communiter Patres, speciatim Origenes hom. 8. in Ierem. & 23. in Iosue, & Augustinus l. 8. de Genes. ad lit. c. 24. & l. 8. q. 79. vbi ait: *Vnaquam res visibilis in hoc mundo habet potestatem Angelicam sibi propria, sciat aliquis locis diuinis scripturam testatur.*

Ecl. 3. de Trinit. c. 4. *Sicut corpora cr̄stiora, inquit, & inferiora per subtiliora, & potentiora quodam ordinē regantur, ita omnia corpora per spiritum vita, & spiritus vita irrationalis, per spiritum vita rationalis, & spiritus desertor per spiritum pnum & insitum, & ille per ipsum Deum.* Quod maxime de inditius etiam colorū corporibus tradit Aristotle, & communis Philosophorum sensus; tametsi proprie custodes colorum non sint Angeli, cum cœli nulli corruptioni sint obnoxij, sed quodammodo Pr̄sides & Procuratores.

Ex quibus etiam sumitur ratio. Quia inferiora Deus gubernat per superiora; & si cœlis singulis suis ex Angelis est motor attributus, qui vni cuidam certa parti cœli applicatus, totum cœlum circumferat, vt superius dictum, & magis patebit d. seq. q. 4. dub. 3. cur non & naturis ceteris, iuxta debitum naturæ cursum moderandis, pr̄sertim cū, alioquin quotidiana facile corruptionis & perturbationis periculo subiectantur? Difficilem autem quandam locum Hieronymi, qui contrarium videtur, explicauimus supra d. 2. q. 8. dub. 3.

Respondet secundo, valde item probabile esse p̄ticipue singulos Angelos custodes particularium personarum, alios quoque Angelos destinatos esse pro custodia & tutela Regnorum, Prouinciarum, aliarumque Communitatuum, pr̄sertim Ecclesiasticarum & Religiosarum. Ita docent communiter recentiores, speciatim Gregorius de Valentia cit. disp. 8. q. 3. punct. 6. Molina quest. 113. disp. vn. Vasquez disp. 245. cap. 1. & Suarez hic lib. 6. cap. 17. à num. 22. ex communi Patrum sententia. Nam de regnis seu p̄uincij ita docent Dionysius cap. 9. cœl. hierarch. Basilius lib. 3. cont. Eunom. Theodoreto lib. 5. diuin. decret. cap. 7. Hilarius in Psalm. 129. Epiphanius hæsi-

²⁶ 51. Augustinus q. 48. in Iudic. Gregorius lib. 17. Moral. cap. 8. vel 7. & optime Clemens Alexandrinus lib. 6. Stromat. prop̄ finem, *Per gentes;* inquit, *& ciuitates divisa sunt Angelorum præfectura.* Idem repetit lib. 7. initio. Idem sumitur ex scriptura Danielis 10. vbi fit menio Pr̄incipis Persarum, & Græcorum, & Iudeorum; per quos intelliguntur Angeli ad custodiā earundem prouinciarum seu regnum definiati, vt etiam Hieronymus, & Theodoreto ibidem notant; ex quo etiam loco præsens institutum probant citati Patres.

²⁷ De Episcopatibus singulis (eademque estratio aliarum eiusmodi Communitatuum) ita docent. Origenes lib. 1. Periarchon cap. 8. Hilarius citat. Psal. 129. Gregorius Nazianzenus orat. 32. Ambrosius in Lucam lib. 2. Hieronymus Michea 6. Isidorus Pelusiota lib. 2. epist. 85. & citati recentiores. Et colligitur ex Apocal. 1. 2. & 3. non quod Angeli eo loco propriè accipiuntur, cum Episcopos significant, sed quia eo ipso modo loquendi significatur, officio Episcoporum similia Angelorum munia respondere, à quibus sumpta est denominatio. Addit Suarez cit. cap. 17. num. 23. de hac re dubitandum non esse.

²⁸ Quinto queritur, vtrum inter Angelos pr̄sides seu custodes nonnunquam sit, aut esse possit, ditentio, iuxta illud Daniel. 10. v. 13. *Principes regni Persarum restituti mihi vnginti & uno diebus: & ecce unus de Principibus primus venit in adiutorium meum:* quem locum de bonis, non malis Angelis intelligendum communī & verius sentiunt SS. Patres & interpres, speciatim S. Thomas hic quæst. 113. art. 8. Lyranus, Carthusianus, & Pererius post S. Dionysium cap. 9. cœl. hierarch. Theodoreto in Danielem, Gregorium lib. 17. Moral. cap. 8. vel 7. & sequuntur Suarez lib. 6. cap. 19. num. 13. aliquj Scholastici communiter, et si de malis intelligent Hieronymus, Cassianus, Rupertus, & nonnulli alij. Respondeo cum sancto Thoma cit. q. 113. a. 8. ex communi, propriè & secundum absolutam voluntatem, nullam inter bonos Angelos esse discordiam; cum in diuinæ voluntatis beneplacito plane conueniant: secundum affectum tamen simplicem, & voluntatē conditionatam (si Deo placeret) nonnunquam diuersa volunt, & re ipsa etiam quodammodo diuersa, imo materialiter opposita tendit, quamdiu ipsis diuina voluntas in alterutram partem nondum est comperta. Quo quidem siebat, ut dum singuli ex illis Pr̄sibus Angelis suo populo vellent esse quam optimè consultum, Angelus quidem Persarum apud Deum vrgeret diurniorum populi Hebraici in Babylonica captiuitate, commemorationem, quam Persis seu Chaldæis sciret esse proficuum; contra vero Angelus Iudeorum maturum eorum discessum vrgeret, pro eiusdem populi comodo & felicitate. De qua re plura Pererius lib. 12. in Danielem. Atque hæc de Angelorum natura, statu & officijs ad laudem bonorum, & confusionem malorum, communis autem Dei ac creatoris omnium gloriā, dicta sufficiant.